



姓韻卷六十八

武威張



遇韻下

附 見姓苑太平寰宇記路史

路史漢段熲將有附都辯證段熲將有附都廣韻晉書有附都按漢書無之蓋是晉人

魏書賀蘭部即附力眷舉兵反于陰館

急就章魏有附傳唐有附得意任監察御史附不疑上元人

登科

四川志元至正進士附鳴鳳附興祖均蜀人
附庸氏見路史

駙

駙馬氏此姓諸書無今補

尸子曰駙馬共為荆使于巴見擔醜者問之曰是何以曰所以醜人也于是請買之金不足又益之車馬已得之盡注之于江

兔

印藪漢有兔譚

故

見姓苑

後燕錄樂浪王慕容温為冀州刺史翟遼遣丁零故堤詐降于温帳乙酉刺温殺之並其長史司馬驅帥守兵二百戶奔西燕遼西王農邀擊刺温于襄國盡獲之惟堤走兔免

宋書大興元年有司奏故驃騎府主簿故恩營葵舊君顧榮求立碑詔特聽立

氏族畧宋有故宿字述平合肥縣丞

漢中府志明有故知恭寧羗貢士

顧

見唐世系表

西京雜記漢末顧翽會稽人少失父事母孝母好食雕胡飯
常率子女躬自采撷導水蓮川供養母有盈儲家近太湖湖
中乃生雕胡無復雜草蟲鳥不敢至遂得以爲養郡邑表其
閭舍

急就章漢有荊州刺史顧容

文士傳顧榮字彥先吳郡人大父雍吳丞相父穆宜都太守
榮少朗俊機警風穎標徹歷廷尉正曾在省與同寮共飯見
行炙者有異于常僕乃割炙以噉之後趙王倫篡位其子爲
中領軍逼用榮爲長史及倫誅榮亦被執有救榮者問其故

曰某省中受炙臣也按此與陰鏗事相似

吳志顧譚字子默弱冠與諸葛恪爲太子四友爲奉車都尉
薛綜爲選曹尚書固讓譚曰譚心精體密貫道達微才照人
物德允思望後流交州著新言十二篇顧徽字子嘆雍之弟
少游學有才辯孫權以爲輔義都尉北與曹操相見應對婉
順官至巴東太守

晉書議郎周玘前南平內史長沙王矩起兵江東以討石冰
推前吳興太守吳郡顧祕都督揚州九郡諸軍事于是前侍
御史賀循廬江內史廣陵粲譚及丹陽葛洪甘卓皆起兵應

祕

募 此姓諸書無今補

南史新羅國王姓募名泰始梁普通二年遣使隨百濟奉獻
方物按募一作慕

募 見路史

西秦錄乾歸遣武衛將軍慕元率騎伐吐谷渾按載記作慕
容允

南齊書百濟王奏曰臣所遣行龍驤將軍樂浪太守兼長史
臣慕道行建武將軍

辯證號州團練使慕興定州人

元史慕完官刑部侍郎

氏姓證明有慕容監察御史按弇山堂別集作暮雲臨城人

甘肅志慕天顏字拱極靜寧州人順治十二年進士初任浙

江錢塘縣令升福建興化府審理軍需案費闕百萬事連府

州縣官數百人屢年不決天顏得其要領庫帑以清尋攝太

常卿招撫臺灣授興泉道升江蘇布政司入覲條奏八事其

一黃淮全局情形其二淮揚涸田寬徵其三請除荒坵錢糧

其四請減浮糧額數其五永行均田均役其六選用守令能

員其七恤給罪囚口糧其八閩海寨游設防康熙十五年升
江蘇巡撫奏興水利又因地震陳言請密勘實坍荒地共
二千三百六頃歷年缺額銀二百三萬零以覈京口駐防事
去官二十三年起復湖北巡撫旋調貴州升漕運總督復歲
造船隻之例創渡江先後之法請江北紅白兼收以便土宜
又嚴解卒盤驗之法于過淮倡和合幫互挽之條于上閘弟
國璿康熙乙卯進士又慕珏貢生官僉事慕國璜貢生官知
府皆靜州人

慕容氏見前燕錄

前燕錄涉歸生庖鬼生甄甄生儁號前燕初都棘城弟坐號
後燕都中山弟德號南燕都廣固徙東郡三燕七主共五十
餘年

按前燕慕容廆子甄垂慕容儁建元元璽光壽慕容暉建元
建熙為苻秦所滅後復起慕容泓建元燕興慕容冲建元更
始慕容顛建元建明慕容望建元建平慕容忠建元建武慕
容詳建元建始南燕慕容永為東阿王後建元中興後燕慕
容垂建元建興坐子慕容寶建元永康為尚書蘭汗殺慕容
麟建元延平慕容盛寶子也建元建平長樂慕容熙盛子建

元光始建始南燕慕容德弟建元建平慕容超德兄子建
元太上又大將軍慕容恪恪子楷爲太原王又有太傅評楷
之子名奇呂隆臣慕容筑遣入秦爲質

前燕錄慕容紹宗旣第四子太原王恪後曾祖騰歸魏居于
代祖郁岐州刺史父遠恒州刺史紹宗深沈有膽畧爾朱榮
其從舅子也先從爾朱兆後歸神武元象初西魏將獨孤如
願據洛州紹宗平之後禽梁州貞陽侯淵明敗侯景爲南道
行臺謂左右曰吾自年二十恒有蒜髮昨來蒜髮忽盡蒜者
筭也吾筭將盡乎投水死其長子士肅爲散騎常侍

北齊書慕容儼字恃德庾之後不好讀書頗學兵法爾朱氏
敗歸齊神武爲荊州刺史鎮郢州大破梁侯瑱任約等瑱約
等并力圍城唯煮槐楮葉棕根蒞葛艾等及靴皮帶筋角食
之人死即火別分食惟留骸骨儼猶信賞必罰分甘同苦自
正月至六月人無異志及以城還見帝悲不自勝帝親執其
手捋鬚脫帽看髮嘆息曰自古忠烈豈過此耶後官光州刺
史卒子會位郢州刺史周世宗平鄴使其子送敕喻之子會
枷其子付獄尋赦書至云行臺世宗王已降子會乃與寮屬北
面痛哭然後奉命

後燕錄慕容白曜既元孫父瑀歷官以廉清稱終尚書左丞
白曜少爲中書吏後遷比部尚書文成崩與乙渾共執朝政
加征南大將軍攻宋東平太守申纂執之白曜在軍旅持待
人物有礼所獲房崇吉母申纂婦皆安置不令士卒喧雜以
功拜青州刺史初乙渾專權白曜頗所挾附後以謀反見誅
時論寃之

魏書閭文祖受贓上曰古有待放之臣卿等自審不勝貪心
者聽辭位宰官中散慕容契進曰小人之心無常帝王之法
有常以無常之心奉有常之法非所克堪乞從退黜契白曜

之弟子也

晉書載記西秦乞伏乾歸臣武衛將軍慕容允按西秦錄作
慕容

奚斤傳昌黎王慕容伯兒謀反

隨書慕容三藏紹宗子幼聰敏多武畧仕齊釋褐太尉府參
軍事屢敗周師陳師轉右衛將軍及齊平周武帝引見恩礼
甚厚隨開皇元年授吳州刺史九年奉詔持節涼州道黜陟
大使平廣州王仲宣之亂授大將軍授廓州刺史百姓愛悅
授疊州總管討平叛羌後又轉淮南郡太守所在有惠政從

子遐爲澶水丞漢王反抗節不從以誠節聞

唐藝文志慕容宗本五經類語十卷字泰和幽州人大中時
唐御史臺精舍題名有慕容琦

唐書高祖五年蔚州總管高開道反寇易州刺史慕容孝幹
死之又右丞衛將軍慕容寶送公主見吐谷渾傳又吐谷渾
大酋慕容道奴款邊詔以道奴爲丞衛將軍兼刺史雲中郡
公見突厥傳

唐書靜難平狄清夸靜難軍使慕容岳則以兵五千降虜

五代史後晉慕容彥超爲濮州刺史將數千騎前覘契丹渡

漳水遇契丹數萬皇甫遇且戰且卻失馬僕杜知敏以馬授
之彥超本吐谷渾也與劉知遠同母

宋史慕容延釗太原人父章襄州馬步軍都校領開州刺史
延釗少以勇幹聞隸周祖帳下鐵騎都虞候世宗授殿前散
都指揮使領溪州刺史高平之戰有功後大破敵淮南遷淮
南節度使宋祖與延釗友善以兄事之即位後加侍中建隆
二年平荆湘加檢校太尉卒其子德業至衛州刺史德鈞至
尚食副使弟延忠內殿直歷西頭供奉都知磁州刺史延卿
至虎捷都指揮使慕容德豐字日新延釗子幼聰悟官昇州

都監以廉潔聞俄領蔚州刺史太平興國二年知愛州兼邠
寧都巡檢使常破小遇族奪名馬數十匹後知鎮州遼人南
侵繕兵固守餉饋不絕詔獎之為人輕財好施厚享將士真
宗時轉知貝瀛二州卒子惟素官至殿內承制慕容德琛延
釗從子蔭補供奉官累遷內殿崇班知夔州李順黨張餘領
眾十萬舟千艘來寇與戰龍山斬首千餘級與白繼贊再進
又斬二萬餘悉焚其舟

宋史天禧初改右監門衛大將軍慕容暉父惟良領州刺史
因家陽羨嗜酒好吟不務進取所居有雙楠軒聳如蓋嘗從

蘇東坡游目爲雙楠居士從子彥遠

氏姓謚明有慕容傑湘陰人元治中龍泉縣丞

慕容興氏見姓纂

前燕錄慕容皝中軍將軍慕容廆勸恪殺沈勁城大慕容塗
與柳城都尉石琮并力拒守塗又爲盪寇將軍至暉時爲平
北將軍又慕容根爲皝折衝將軍廣威將軍殿中領軍將軍
太師止斃出奔宜固守後根與御史中丞左衛將軍慕容干
謀殺太原王恪爲恪誅又慕容廆臣慕容皝向勤恪廉靖掌府
庫句心計默識不案簿書而始終不漏句于儁時嘗督薊中

留事寇臣慕輿河明敏精審使典獄訟覆訊清允慕容儁將
軍慕輿長卿為秦鄧羌所獲慕容暉時有振威將軍慕輿賀
辛為什翼健所攻戰沒又侍中慕輿龍詣龍城徙宗廟及所
留百官

後燕錄慕容寶尚書郎慕輿皓謀殺寶立趙王麟妻兄薊泥
告之皓奔魏趙王麟將慕輿嵩以垂為寶死潛謀作亂奉麟
為主事泄被殺又有司馬慕容嵩魏攻晉陽嵩閉門拒之又
寶左衛將軍撫軍大將軍大司馬扶風公慕容騰慕容德以
中軍將軍慕輿拔為尚書左僕射司空以慕容法為中軍將
牧馬數千匹

南燕錄高雲時越騎校尉慕容輿良謀反伏誅

慕容利氏見姓纂

後魏書吐谷渾主慕容利延邀擊赫連定按姓纂延作賢

慕容護氏見氏族畧

傳 見國語注廣韻唐世系表

荀子傳說狀如植鱈

左莊十四年傳鄭厲公自櫟侵鄭及大陵獲傅瑕瑕殺鄭子

及其子綽厲公厲公遂殺之按人表作甫瑕
哀二年傳傳俊曰雖克鄭猶有知在憂未艾也注傳俊簡子
之屬

史記汲黯傳常慕傅柏爰盎之為人應劭曰傅柏梁人爲孝
王將素仇直

漢功臣表高帝時陽陵侯傅寬以舍人從起橫陽至霸上爲
騎將入漢定三秦侯子隨項侯靖孫共侯明

漢書漢陽太守傅眾代法度爲度遼將軍

章帝紀護羌校尉傅育追擊叛羌戰歿按西羌傳育北地人

顯宗初爲臨羌長與捕虜將軍馬武等擊湏吾功冠諸軍及
在武威威聲聞于匈奴食祿數十年秩奉盡贍給之反妻子
不免標井曰肅宗封其子明進侯七百戶

列仙傳漢桓帝有甥女傅朏和侍中傅建之女服五星之精
身生光鬻善爲空同歌歌時禽鳥集舞

漢書建武八年司隸校尉傅亢下獄死又傅介子北地人斬
樓蘭王封義陽侯又傅燮字南容少師事劉寬與皇甫嵩共
討張角司徒崔烈議棄涼州燮厲言斬司徒天下乃安勅漢
陽賊死于陣子幹小字別成位至扶風太守

一云字
彥林又傅毅

字武仲後人以顯宗求賢不篤作七激以諷肅宗時為蘭
臺令與班固賈逵共典校書又按唐文宗時有傅毅為滄州
刺史橫海軍節度使

漢劉寬碑陰門生名有故蓮勺令張掖日勒傳幼則
祭遵傳遵受詔屯良鄉拒彭寵因遣護軍傅玄襲擊寵將李
豪于潞大破之按此傳多在休奕之先

寧陽志已郡太守傅寶字紀圖平夸人

魏志傅嘏字蘭石泥陽人傅介子之後伯父異黃初中為侍
中尚書嘏弱冠知名陳羣辟為掾時劉劭作考課法事下三

府嘏難劭論甚有條理為尚書嘏常論才性異同鍾會集而
論之封邑鄉亭侯卒子祗嗣成熙中開建五等封祗涇原子
按晉諸公贊祗字子莊永嘉中至司空祗子宣子世弘世語
稱宣以公正知名位至御史中丞宣帝弟暢字世道秘書丞
沒胡中著晉諸公贊及晉諸公凡秩故事

蜀志傅彤義陽人從先帝伐吳斷後不降死傅僉為先帝鎮
陽安關蔣舒出降胡烈乘虛襲城僉格鬥死

晉書傅亨字休奕祖燮漢漢陽太守父幹魏扶風太守善屬
文解鍾律性剛亮勁直不能容人短送帝即位系與皇甫陶

其掌議職事所居正遷侍中泰始中爲御史中丞時有水旱
蓄乎上疏陳便宜轉司隸校尉乎每有劾奏或值日莫奉白
簡整簪帶竦踊不寐貴游懾服臺閣生風乎撰論經國九流
及三史故事評斷得失各爲區例名傅子子咸字長虞剛簡
有大節風格峻整性明悟疾惡如仇推賢樂善官尚書左丞
遷司徒左長史奏免豫州大中正夏侯俊有三子敷晞纂敷
字穎根清靜有善素解屬文永嘉之亂避地會稽元帝引爲
鎮東從事中郎晞有才思爲上虞令有政績卒于司徒西曹
屬傅渾爲襄邑令江革頌曰乃水其清乃玉其白風抗其高
雲坐其澤君有遺愛民有遺思又傅隆字伯祚晞曾孫義熙
初爲尚書左丞元嘉初爲御史中丞太祖以新撰凡論付隆
使更下議隆表上五十二事

陳書傅昭字茂遠祖和之父淡善三孔知名齊永明中爲尚
書儀曹郎出爲臨海太守昭莅政以清靜不尚嚴肅博極古
今尤善人物傅映字徽遠昭弟也永元元年參鎮軍江夏王
軍事出爲慈康令映會吳興太守袁昂勉以忠孝

陳書傅琰字季珪曾祖宏仁宋太常祖劭員外郎父僧佑安
東錄事參軍除山陰令明察有稱辨賣鍼賣糖之老姥以團

絲與賣鐵者又剖二野父之爭雞縣稱神明昇明二年爲益州刺史子翹爲建康令有能名

梁書傅政字景平翹之子仕梁南康王左常侍兼尚書金部郎冬月放囚還家竟如期而返太清元年遷太僕司農卿掌機事密勿魏人通和朱异勸從之政獨以爲不可

陳書傅緯字宜事父彝梁臨沂令幼聰敏七歲誦古詩賦至十餘萬言緯爲文典麗尤敏速爲後主親信然負才恃氣凌侮人物沈文慶等譖之下獄賜死

唐書白馬道士傅仁均造戊寅曆成奏上行之

傅餘氏見賈執英賢傳

經籍志晉有傅餘願著複姓錄

傅其氏

姓誼漢有傅其義

付

荀子管仲誅付里乙按古今人表作鮒里乙

陝西志明付吉大成人以通經領鄉薦永樂中擢御史剛直有聲升陝西按察副使

恣 此姓諸書無今補

皇明畫史恁懋莽工墨梅按會要作穆庵

澍 見姓苑

裕 見姓苑

西秦錄乞伏國仁時鮮卑大人裕苟來降拜建忠將軍封蘭

泉侯

互 見姓苑

唐紀異錄宣州羅川人互可思年已百歲得七十二仙玉像

于金筭其地即可思莊也可思至京失其所在又按百歲下

原有明玉二字金筭下原有可思二字今刪之始明了互又

作底

悟 姓苑悟人姓也

印藪漢有悟明極

訖 見辯證按無此姓宜刪

庫 見風俗通

風俗通後漢有輔義侯庫鈞按善文云鈞字巨公李賢漢書

注音舍

後秦錄姚興北中郎將庫猥為魏所執

西秦錄魏世祖遣尚書庫結率騎五千來迎莫末按晉書檀

道濟至高梁亭斬魏濟州刺史奚煩庫結未知即此人否是
庫結為名奚煩為姓也

西秦錄熾盤建弘七年夏征南將軍呼盧古攻西平執安南
將軍庫洛干阮戰士五千餘人掠民二萬餘戶而去

前趙錄將軍解虎長水校尉尹車謀反潛結巴酋句徐庫彭
等事覺伏誅

魏書蠕蠕別帥庫世積率眾來降

北燕錄跋寢疾中山公弘家僮庫斗頭勁捷有勇力踰閣而
入至于皇堂射殺女御一人跋驚懼而死

按本朝嘉慶時庫元直隸人任慶雲縣把總庫佩山西人任
大同鎮四美莊把總

庫狄氏見齊書

魏書庫狄勳支子香亦干率其部落內附

魏書鮮于阿伏庫狄豐樂據朔州城反

北齊書庫狄迴洛代人少有膂力容貌魁偉官後將軍朔州
刺史轉夏州刺史封順陽郡王太子太師

後周書少師庫狄峙祖凌遠威郡守父貞上洛郡守峙善騎
射有謀畧任魏高陽太守政存仁恕明帝初為益州刺史都

督三十一州諸軍事為夷獠所安入為少師卒謚曰定子嶷
嗣少知名官職方中大夫蔡州刺史卒嶷弟徽以平齊功拜
儀同大將軍徽弟徽亦以軍功至儀同大將軍徽弟嶽性宏
厚有局度從高帝東伐入并州軍敗帝得出惟嶽侍從以功
授上儀同大將軍仕隨至民部尚書徽生璠益州總管樂成
公嶽生仁志千牛郎中仁志生益利益利生履温庫部郎中
周書庫狄昌字恃德神武人少便弓馬膽氣壯烈賀拔岳被
害昌與諸將議翊戴周文從平侯莫陳悅大統初遷開府儀
同三司周閔帝踐阼拜大將軍卒又周拜李賢之甥庫狄樂

為儀同

齊書狄庫干善無人曾祖越豆眷魏道武時以功割善無之
西獵汗山地方百里以處之干梗直少言有高藝魏正光初
除掃逆黨授將軍宿衛于內神武以干為大都督前驅上道
不過家大破周文還為定州刺史不閑吏事然清約自居轉
太宰干不知書署名為干字逆上畫之人謂之穿錐子士文
周高帝時為隨州刺史隨文帝受禪加上開府拜貝州刺史
性清苦不受公料家無餘財其子噉官餅士文收獄累杖二
百步送還京僮隸無敢出門所買鹽菜必於境外嘗入朝上

賜公卿入左藏任取多少人皆極重士文獨口銜絹一匹兩
手各持一匹上問之曰臣手口俱足餘無所需後為雍州刺
史執法嚴正不避貴戚賓客莫敢至門後以唐君明居憂娶
其從妹下獄恚憤而亡

梁書徐文盛射侯景右丞庫狄式和墜水死

北齊書庫狄伏連字仲山為大將軍性鄙吝冬至日有親表
稱賀妻設豆餅伏連大怒按北史庫狄伏連居室患蠅杖門
者何故聽入又慕容儼傳庫狄伏連積年賜物藏在別庫絹
至三萬匹簿錄並歸天府

北齊書庫狄顯安侍肅宗坐帝曰顯安我姑之子今序家人
之礼除君臣之敬可言我之不逮對曰陛下多妄言帝曰何
故對曰陛下昔見文宣以馬鞭撻人帝以為非今自行之非
妄言耶帝握其手謝之顯安干之子也

北齊書庫狄盛傳性和柔少有姿用魏時封為伯進封行唐
公齊受禪改封寧陽郡公按慕容紹宗傳有都督庫狄安盛
北齊書侯景麾下庫狄曷賴為慕容儼所獲

北齊書高歡以大都督庫狄溫守桂陵築城于蒲津西岸按
桂一作封即風陵也

隋書張熨傳庫狄嶽性弘厚有局度官至民部尚書按甄濟
傳濟仕隨為秘書正字魯州刺史庫狄嶽風痺不得挽弓濟
使穀弓矢向棚立鍼其肩穴一隅即復能射
典畧荊州刺史庫狄暢

隨書齊王暕遣庫狄仲錡陳智偉等求聲色狗馬仲錡智偉
詣隴西搆灸諸胡責其名馬得數匹以進于暕暕令還主仲
錡等詐言王賜將歸于家暕不之知也

唐書天寶中隴右節度皇甫惟明奏龍支縣人庫狄孝義有
馬生龍駒經九旬有九日身有鱗而不生毛臣就檢視時有

慶雲五色遙覆馬背久而不散請付史官按亦見皇甫惟明
文

唐書庫狄履溫子宗廟朝官尚書員外郎兼充節度判官宇
文融奏攝御史為勸農判官按履溫工詩亦見唐御史精舍
題名

張說文裴行儉之繼妻庫狄氏按行儉傳子光庭母庫狄氏
有婦德帝后召入宮為御正甚見親寵

庫門氏見後魏官氏志

後魏官氏志有庫門結

庫汗氏此姓諸書無今補

周書文帝七男庫汗姬生秦王贇曹王允

唐書貞元中范陽判官殿中御史庫汗勣

庫成氏見風俗通

敦煌實錄石趙右奉車都尉庫成述生濟烏大夏令又云郎
中庫成佇廣成太守庫成防從孫馮

庫儻官氏見後燕錄

後燕錄慕容皝以前岷山公庫儻官偉為左長史初偉率部
眾自上黨來降慕容皝封為安定王征南將軍太尉寶立

為大師又岷山桓公庫儻官泥生津為後燕太師安定王又

慕容寶遣西河公庫儻官驥率兵三千助守中山驥入中山

再開封公詳相公攻詳殺之盡滅庫儻官氏又大司農庫儻

官乾按姓纂岷山桓公作岐山公津作律驥作樂乾作統皆

譌

北燕錄馮跋別將有庫儻官斌降魏復叛來歸為魏驍騎將

軍延普殺之幽州刺史漁陽公庫儻官昌征北將軍關內侯

庫儻官提皆為魏所殺生禽庫儻官氏女生

魏書王建傳烏丸庫儻官鳴聚黨為盜詔建討平之

魏書漁陽羣盜庫儻官韜聚眾反詔中堅將軍伊謂討之

庫任氏按庫任見氏族畧按宜作庫任氏誤

庫若干氏見官氏志

庫六斤氏見姓纂

庫莫奚氏見前秦錄

鮒

古今人表鮒里乙按即管子所誅之付里乙也金樓子作符

里乙一云管子所誅者史符

菟

見辯證

菟賴氏見後魏書官氏志

菟裘氏見史記潛夫論

菟和氏見左傳

逗

見姓苑廣韻云姓也厨遇切音住

鑄

見風俗通公子謚

路氏史周有鑄仁達

按左傳臧宣叔娶於鑄氏

諭

見姓苑

氏姓謚漢諭璪河曲人按諭璪見集古印謚

按東晉有諭歸撰西河記二卷諭歸晉侍御史也一作喻歸
見前涼錄

喻 見姓苑

謝承後漢書喻猛字驕孫豫章人和帝時蒼梧太守以清白
為治郡人頌曰於維蒼梧交趾之域禹貢厥入島夸皮服大
漢惟宗迪以仁德出自中臺鎮于外國威風光遠吏人從則
鳩集以死南人入服簡于帝庭功化畢植

氏姓謚晉喻合字匡孫南昌人好學不慕榮寵隱居廬山北
阜布衣蔬食三十餘年孫皓晉^徵帝不起喻希仕南齊時人

詔用釋奠先聖先師祀樂

唐詩紀事喻鳧謁杜紫微不過曰我詩無騎綺羅鉛粉宜不
售又喻坦之工于詩與許崇張喬鄭谷張翥等同時號十哲
有詩一卷

唐書南詔寇雋州刺史喻士珍破之獲千餘人又云士珍貪
獍掠兩林蠻以易金南詔復寇雋州

五代錢鏐時喻結著木經

豈 見姓謚

困 海篇直音困人姓也音布

趣 見詩箋

趣馬氏見英賢傳

英賢傳後漢南陽功曹趣馬恩

戌

韻誼唐河陽令戌盈孫

護 此姓諸書無今補

前秦錄苻堅以胡人護磨即為右鎮即身長一丈八尺多力

善射食飯一石肉三十斤

唐書瀚海大都督回紇承宗黨瀚海州司馬護輸祖兵發奪

王君莫節殺左右親吏剖其心按親吏宋貞也

護諾氏見姓纂

魏書西河胡帥護諾干內附

護骨氏見魏書

麤 見路史

取

古今人表有取子

曜 集韻曜衢遇切音具姓也

集韻漢有曜丘按曜丘姓劉此誤宜刪

封 集韻厨遇切音任唐韻常具切音澍

氏族畧左傳鄭大夫封拊椽今左傳作暨附鄭夾溲說誤

媯 集韻遂遇切音娶姓也諸書無此姓今補

聚 此姓諸書無今補

按高唐賦有方之士鬱林聚穀是古仙人也王懷祖觀察以爲卽史記之最後

姓韻卷六十九

鳥八 霽上共十二

志威張 澍篋

共字 三千八百七十七

共字 卷十の文

漢藝文志漢興制氏以雅樂聲律世在樂官頗能記其鏗鏘

鼓舞服虔云制氏魯人

計 見路史

論語有計子然

范子云計然者葵丘濮上人姓辛氏字文子其先晉國亡公

封 集韻厨遇切音住唐韻常具切音澍

氏族畧左傳鄭大夫封拊按今左傳作暨附鄭夾漈說誤

媯 集韻遂過切音嬰姓也諸書無此姓今補

聚 此姓諸書無今補

按高唐賦有方之士鬱林聚穀是古仙人也王懷祖觀察以爲卽史記之最後

姓韻卷六十九

志威張 澍纂

八霽上

制 見路史

漢藝文志漢興制氏以雅樂聲律世在樂官頗能記其鏗鏘

鼓舞服虔云制氏魯人

計 見路史

論語有計子然

范子云計然者葵丘濮上人姓辛氏字文子其先晉國亡公

子也嘗南游于越范蠡師事之按史記索隱曰計然吳越春秋謂之計倪一號計研研一作鉞又作計碗越絕書越王軍陳固陵計碗曰候天察地紀麻陰陽觀變參災分別妖祥福見知吉妖出知凶臣之事也蓋計然即計倪亦即計研也方術傳計子勳自知死日按仲長統昌言薊子訓到陳公舍自云今日當死陳公與之單衣入室寢日中果死或曰計子勳即薊子訓也然後漢書各有傳

吳志車騎將軍計昭

彘晏春秋計君又授予司馬相如傳

錄異記唐元和中計真家僑居青齊嘗西游長安至陝醉墮馬僕驅衣囊而去至李外郎別墅住宿後至京師有進士獨孤沼來謁言李與聯姻允之乃孤也

宋史計用章字虞卿臨邛安仁人年十八登天禧三年進士通判延安府時范雍為帥用章勸其脩城練兵以備不虞雍不聽及元昊圍城召問策用章以死報國對會大雪圍解歷官員外郎有功用章之孫其父良輔慶歷三年進士有功夙好學有至行所著有唐詩紀事

江西志計衡字致平浮梁人紹興進士官國子司業授監察

御史博洽強毅游大學時上書言天下大計者四吳澄稱為清白吏

江西志元計初字遂初浮梁人官宣都州同知撫亂恤饑有善政民歌之云去年雪今年雨微計侯那得此

氏姓謚計澄字本清浮梁人嘉靖進士官御史直言忤時謫廬州推官著有永蘄集計全景癸酉進士舉人知錦州事宣夏人計宗道字惟仲馬平人未冠舉鄉試第一舉弘治進士知常蕻緩征民賴以甦入為戶部郎出守衡州卒

題名錄計士元鄱陽人嘉靖甲辰進士計謙享馬平人嘉靖乙丑進士計元勛嘉善縣人萬曆丁未進士計堯俞綿州人天啟乙丑進士

四川志富順貢生計友仁官主簿國朝石泉歲貢計君輔綿州副榜計國成羅江學歲貢計萬安字子宣少有文名著知非吟四卷

安徽志計東字甫草號改庭吳江人舉順治順天丁酉科舉人

勢 見姓苑

世 見路史

漢藝文志儒家類有陳人世碩著世子二十一篇顏師古云
七十子之弟子按王充論衡本性篇云周人世碩以爲人性
有善有惡在所養焉故作養性書一篇宓子賤漆雕開公孫
尼子之徒亦論性情與世子相出入志所載宓子十六篇漆
雕子十三篇皆宗師以重其言者也

韓非子衛嗣君重如耳愛世姬而恐其皆因愛重以壅己也
乃貴薄疑以敵如耳尊魏姬以耦世姬曰以是相參也按史
記作世姬

風俗通戰國時有秦大夫世鈞漢有九江都尉世寵按世鈞
一作世鈞也

集古印謚漢有世祿世高

渠縣志世震渠縣人嘉泰進士世弼亦渠縣人隆興二年任
丹陽縣

氏姓謚世家寶字觀益臨穎人果剛有謀知兵法洪武初授
大理少卿進禮部侍郎終刑部尚書

世叔氏見釋例

按襄十四年傳使太叔儀對二十七年使爲卿二十九年會
城祀哀十一年傳太叔懿子止而飲之酒遂聘之生悼子杜

注懿子太叔儀之孫昭三十二年世叔申會城成周杜注世叔申世叔儀孫陳氏謚即太叔懿子哀十一年世叔齊出奔宋按即悼子傳作太叔齊疾是年傳衛人立遺使室孔姑杜注遺疾之弟即太叔僖子也

麗

見姓苑

莊子麗之姬艾封人之子也晉國之始得之也涕泣沾襟及其至于王所與王同匡牀食芻豢而後悔其泣也

齊書祖珽諷中丞麗伯律令劾主書王子冲納賂事連穆提婆欲使與陸令萱皆連坐

名畫錄後梁道士麗歸真善畫按李嗣真續畫品錄作厲歸真

氏姓謚麗朴湯溪人萬厯中官興國判

麗山氏見歸藏易

麗飛氏按即荔菲氏苻秦甘露四年脩魏節太尉祠碑又作利非氏

歲

見姓苑

洞神部赫天氏生子曰胥勃氏胥勃子曰亨英氏亨英子曰金輪王金輪之弟曰少海氏少海妻彌輪山女生二子長曰

金蟬氏次曰金虹氏以歲為姓以崇為名按此說未可據
衛 見郡國志廣韻

史記宋有博士衛平元王夢見龜問之

呂氏春秋古之善相馬者衛忌相鬣

列仙傳中山衛叔卿元君角之後其子名度世

漢書秦末朝鮮王滿本燕人姓衛避地朝鮮擊破朝鮮王而

自王按亦見朝鮮錄

神異經東方朔曰秦并六國時太白星竊織女梁玉清衛承

莊逃入衛城少女洞四十六日不出承莊逃入龜山

漢功臣表衛胠胠子寄又衛無擇無擇子勝又丞相衛綰代

大陵人大將軍衛青字仲卿平陽人

漢書桂陽太守衛颯字子產脩造人教民種桑麻製冠巾

儒林傳議郎衛宏字敬仲東海人作毛詩序尚書訓旨漢官

舊儀宏從九江謝曼卿學也

第 見漢書姓苑

第一氏見潛夫論風俗通

第二氏見潛夫論

第三氏見潛夫論

第四氏見潛夫論

第五氏見潛夫論

漢書第五倫字伯魚京兆長陵人官大司農蜀都太守少子
頡字子陵歷桂陽廬江南陽太守所在見稱順帝之爲太子
廢也頡爲大中大夫與太僕來歷等守闕固爭帝即位擢爲
匠作大匠

又第五種字興先倫曾孫永壽中以司徒掾廉察冀州稱職
拜高密相以能遷兗州刺史

又第五訪字仲謀司空倫之族孫任郡爲功曹察孝廉補新
都令政平化行遷張掖太守歲饑粟石數千訪開倉賑給以
救其弊帝璽書嘉之遷南陽太守拜虎羌校尉卒官

後漢書蓋勳傳注蓋勳薦長陵第五雋爲射虜都尉

鄭康成傳師事京兆第五元先始通京氏易公羊春秋三
統歷九章算書術

謝承後漢書督軍御史第五永

汝南先賢傳汝南太守第五常闕敞不昧其所寄錢百三十
萬按常一作嘗闕一作闕

晉書朝廷聞張光死以侍中第五猗爲安南將軍監荆梁益

宣四州諸軍事荊州刺史自武關出杜曾迎琦于襄陽為兄子娶琦女遂聚兵萬人與琦分據漢沔王廙為荊州刺史曾與鄭攀北迎琦以拒廙

唐書第五等弟琦字禹圭京兆長安人少以吏幹進頗能言強國富民術天寶中為須江丞太守賀蘭進明才之安祿山反進明徙北海奏琦為錄事參軍事琦勸進明厚以財募勇士出賊不意如其計收所陷郡肅宗駐彭原拜監察御史句留江淮租庸使遷司虞員外郎河南等五道度支使諸道鹽鐵鑄錢使鹽鐵名使自琦始兼御史中丞當軍興隨事趣辦

人不益贖用以饒乾元元年進同中門下平章事以鑄錢事詔貶忠州刺史後官太子賓客東都留守子峯婦鄭皆以孝著旌表其門按琦為京兆尹奏旌表奉天寶二女之貞節峯台州刺史平京兆兵曹參軍兼御史中丞

唐書以御食使第五可範為左軍中尉按北夢瑣言昭宗自鳳翔還下詔誅宦官第五可範以下七百一十人

唐書秘書監鄭普思妻第五氏以鬼道得幸于皇后按第五氏名英兒為女巫

唐藝文志第五泰左傳事類二十卷泰字伯通青州益都人

咸通鄂州文學宮衛令

韓昌黎集謝許受韓和物狀有品官第五文嵩

呂溫集代張侍郎起居表內有中使第五忠憲

郭湜高力士傳本道觀察第五國珍謫至夷州與第五相飲
贈詩按舊唐書憲宗紀以第五國珍爲右神策軍中尉未知
卽一人否稽其時代稍遠

唐書李抱真薨其子殿中侍御史絨秘不發喪上知抱真已
死遣中使第五守進往觀變且以軍事委王延貴

唐書右金吾大將軍伊慎以錢三萬緡賂右軍中尉第五從
直求河中節度使從直恐事泄奏之貶慎爲右衛將軍又中
尉霍僊鳴死以中常侍第五守亮代之

氏姓謚宋第五宣遠淳化人嘉定進士歷左司員外郎第五
克衡知新州有惠政流人多被其恩愛

富平縣志第五昌言富平人博通經書爲奉先縣儒學學正
元有第五勝愚字仲學富平人不悅任進鑿洞山中甘貧樂
道日與同志優游于山水間人稱第五夫子

元史同恕傳第五居仁字任安涇陽人幼師蕭邨弱冠從同
恕受學博通經史洪度雅量鄉里化服門人私謚曰靜安先

生

陝西志第五宣淳化人國子生永樂中任交趾當道知縣遠人畏服第五規富平人永樂舉人第五德字宇元三水人貢生正德中任夔州府通判第五英貢生三水人第五仝富平人以經明行修科官莒州知州第五嗣先三水人萬厯戊子舉人第五緯三水人萬厯中舉人學宗橫渠躬行實踐初廣文于鄒升萊安令慈惠愛民勤懇課士擢兩淮鹽運副使疏通鹽法禁絕苞苴廉聲茂著

第六氏見潛夫論

第七氏見潛夫論

第八氏見風俗通

風俗通有漢第八僑王莽時講學大夫

按閻丘均集有為蜀州刺史第八息進雲母粉表

藝 見姓苑路史

惠 見姓謚

莊子梁有惠施按呂氏春秋魏惠王欲傳國于惠子即惠施也高誘注惠施宋人為魏惠王相又云惠王請令周太史更著其名曰仲父注比惠子于管夷吾

列子有惠盎按呂氏春秋惠盎見宋康王康王蹠足謦欬
西京雜記長安儒生惠莊聞朱雲折五鹿充宗之角嘆曰爾
粟犢能爾耶乃裹糧從之雲與言莊不能對曰吾口不能劇
談而此中多有

漢書交趾太守惠乘太僕卿惠根按姓謚惠根孫薦爲北海
太守子孫因居琅邪

漢書桓帝時南陽黃武襄城惠得昆陽樂季秋言相署皆伏
誅

魏志袁術以故吏惠衢爲揚州刺史亦見孫策傳又揚州刺

史惠整吳志侍中惠謙

氏姓謚晉晉陵太守惠松宋步兵校尉惠纂

魏書邢巒表云蕭淵藻是羣劇少年至益州范國惠津渠退
敗鑠執在獄

唐書李懷光遣其將惠靜壽將精騎趣南山邀車駕

氏姓謚惠承儀任北廳通判惠孔時提舉兼提刑惠演舉進
士第又有惠敷惠柔時常州人惠厚下耀州人惠直當塗人

崇寧進士調德化簿郡守宴長沙帥命惠直撰樂語中聯云
從來汝潁之間固多奇士此去瀟湘之地並逢故人

江陰縣志惠希孟江陰人學問該博持性嚴正无老無子希
孟奉使如父嘗著宗範五卷雜禮纂要易象鈎乎數十卷
氏姓謹明惠忠合肥人洪武乙丑進士惠民天順舉人知齊
河縣惠隆仁和人弘治進士歷副使惠心陳州人嘉靖中任
通州同知惠永貞朝邑人任新葉典史崇禎十四年李自成
破城罵賊死

題名錄惠世揚清澗縣人萬曆丁未進士惠戶實朝邑縣人
崇禎甲戌進士惠潤江陰人康熙戊辰進士惠周惕吳縣人
康熙辛未進士惠寵嗣富平人康熙辛未進士惠士奇吳縣

人康熙己丑進士惠克廣安邑縣人康熙乙未進士

惠叔氏見釋例

按衛司寇惠叔蘭家語子游嘗從孔子適衛與將軍子蘭相
善使之受學于夫子檀弓司寇惠公之孫喪鄭司農注惠子
衛將軍文子彌牟之弟惠叔蘭也生虎者朱彝尊云古今議
弟子從祀者率本家語而孔旋惠叔蘭獨遺之不當補其闕
乎荀卿法行篇南郭惠子問于子貢曰夫子之門何其雜也
子貢曰君子正身以俟欲求者欲去者不止且夫良醫之門
多病人隱栝之側多枉木是以雜也楊倞注云夫子弟子未

詳其姓名蓋居南郭因以為號據此疑即蘭也
英賢傳後漢尚書郎惠叔儉

惠牆氏此姓諸書無今補

左襄二十六年傳宋太子痤美而很寺人惠牆伊戾為太子
內師而無寵陷太子縊死公烹伊戾杜注惠牆氏伊戾名也

桂貞

丁先生寫八翁下共十收

六字 五子 三百五十一

六子 卷名 抄本 五

見後漢太尉陳球碑陰桂氏族謚

桂氏族謚桂貞為秦博士遭秦坑儒改姓昏

風俗通漢有燕人桂褒為揚州太守

宋書王弘奏彈謝靈運曰康樂縣公謝靈運力人桂興淫

其嬖妾殺興江浹棄尸洪流

唐書憲宗以唐州刺史桂仲為安南都護仲至安南楊

正威張 澍篔

詳其姓名蓋居南郭因以為號據此疑即蘭也
英賢傳後漢尚書郎惠叔儉

惠牆氏此姓諸書無今補

左襄二十六年傳宋太子痤美而很寺人惠牆伊戾為太子
內師而無寵陷太子縊死公烹伊戾杜注惠牆氏伊戾名也

姓韻卷七十

遠威張 澍纂

霽韻下

桂 見後漢太尉陳球碑陰桂氏族謚

桂氏族謚桂貞為秦博士遭秦坑儒改姓春

風俗通漢有燕人桂褒為揚州太守

宋書王弘奏彈謝靈運曰康樂縣公謝靈運力人桂興淫

其嬖妾殺興江浹棄尸洪流

唐書憲宗以唐州刺史桂仲遠為安南都護仲遠至安南楊

清拒境不納仲並遣人說其酋豪降者相繼朝廷以仲並為
遠邇賤為安州刺史安南特士開城納仲並執楊清新之復
以仲並為都護

氏族畧唐永宣中桂仲吳人宋桂軻登進士第

江南志桂如琥朝奉大夫直煥章閣端平三年知鎮江嘉熙
元年召還

四川舊通志桂臺晉州人熙宣中守威州時霸康保霸二州
交惡臺自攜牛酒會二酋長諭以禍福乃降

理宗本紀紹定五年以寶章閣直學士桂淵帥蜀日北兵攻
城不能合謀死守而遁致軍民罹殃反以捷聞詔褫職罷祠

宋廉文憲桂氏家乘序云周末桂奕之子孫仍居幽燕五代
之亂劉仁恭據幽州兵連禍結乃扶攜南渡散居廣信上饒

九江興國池陽豫章成都諸郡而居信之貴溪者曰仔卿南
唐為靜邊總轄使至宋加檢校國子祭酒兼殿中侍御史有
功于世鄉人廟而祀之其後擢科第躋顯仕者凡數十人而
興國之永興明之慈溪皆自貴溪分而慈溪一族則出於祭
酒之孫可昇亦多由進士入官至今文系尤盛我周國朝德
稱以明經為太子正字陞晉王傅受知兩宮令望隆蔚德稱

從弟仲權擢忠州之鄞都令孟誠知惠州河源縣復皆以政學聞仲權家食時乃合諸族誼圖及行狀碑志遺文釐爲九卷曰桂氏家乘命德稱之子中書舍人慎徵予序之

宋濂集有桂彥良蜀人官正字又爲晉王傳

明史桂夢安仁人官武英殿大學士又桂勝副千戶與何忠至昌江為賊害

氏姓謚桂集安石埭人萬曆三年任海門教諭桂本枝貴州人崇禎七年任狼山副總兵桂繼攀汝寧人進士順治間官洮岷道

山東志桂夏字未谷山東益都人乾隆庚戌進士官雲南安化知縣善隸精說文之學

吳 見陳球碑

桂氏家乘周末桂楨之叔子吳獎徙齊之歷山

隸釋漢明帝時有衛尉吳橫城陽人

北海相景君碑故午朱虛吳詩字孟道

李翕平治天井道碑末有吳昏

鄭志鄭康成弟子吳模

涼州刺史魏元丕碑有故豫州刺史朱虛吳襄公遷

魏志呂虔傳吳母與襄陵校尉杜松步民等作亂與昌豨通
虔招誘吳母等賜酒食察其醉殺之

集古印謚漢有吳宮吳寬

按庾信集有送吳法師莽詩

吞 見姓苑

桂氏家乘周末桂楨之仲子吞突遷濟南朱虛

晉書謝子遠寧遠將軍吞演伐申凱于魏郡破之

初學記吞道元有與天公牋按一作吞道元音天非也

姓苑漢上計掾吞景雲按何超晉書音義引風俗通作吞景

漏雲字或作吞景雲音天非也

炆

見陳球碑桂氏族謚字作桂

桂氏家乘周末桂楨之季子炆樊移河南城陽

前漢儒林傳齊人炆欽字幼卿許商以爲文學傳大夏侯尚
書官博士徒眾尤盛按師丹傳丹下廷尉劾大不敬給事中
博士申咸炆欽上書言丹經行無比近世大臣能如丹者少
上殿咸欽職各二等

厲

見姓纂辯證路史

輟耕錄楚項羽將有厲狄與羽同起兵

風俗通漢有魏郡太守厲溫敦按功臣表厲溫敦以匈奴諱
連累單于率眾降封義陽侯坐子伊細謀反削爵爲關內侯
匈奴傳作烏厲溫敦其子左大將烏厲屈師古曰呼邀累者
其官號應氏所言魏郡太守當別一人也

辯證唐有厲文才東陽人貞觀初爲道州刺史有平盜功雅
好山水孫乾曜高尚有祖風烈厲子澧州人以員外辱盧杞
于澧官侍御史與曹勣游有贈答詩

大唐新語厲圖南爲西川副使初有吳行魯者侍東川軍容
使西門思恭圖南素薄之後行魯以功至川南節度使而圖
南罷行魯欲辟之圖南乘馬行不歸私第

玉堂閒話唐末江南有道士厲歸真者不知何許人也曾游
洪州信果觀見三官殿內功德塑像是乎宗時夾紵製作甚
妙多被雀鷓糞穢其上歸真遂于殿壁畫一鷓筆跡奇絕自
此雀鷓無復棲止此殿其畫至今尚存歸真尤能画析竹野
鷓後有人傳歸真于羅浮山上昇

氏族畧厲汪東陽人隆興進士補樂清宰民安其化于模官
資政殿大學士

氏姓謚厲光博學脩竹行與孫潤齊名能詩嘗贈劉基詩厲

達海州人永樂間將兵征西涼復三十餘城陞都指揮鎮守其地屬汝達戶科都給事中灤州人

勵 等韻勵力制切音厲姓也通作厲

勵 見通志

氏族畧勵靜湖州人嘉祐登科

按本朝康熙時靜海人勵杜訥任尚書又勵宗萬康熙辛丑進士勵守謙乾隆乙丑進士皆靜海人嘉慶時勵邦彥宛平人任廬陵縣永陽鎮巡檢勵世馨靜海人官四川樂至知縣

契 見姓苑

魏書源子雍攻賊帥契官斤于楊氏堡

契苾氏見唐書按契斯訖反苾毗必反

唐書西突厥曷薩那徵稅無度諸部皆怨敕勒相率叛之共推契苾哥楞為易勿真莫賀可汗

唐書太宗時左驍衛大將軍涼國公契苾何力為遼東道行軍總管擊高麗有功使賀蘭被執拔刀割左耳誓不屈太宗聞之許毗伽和乃得還按談賓錄契苾何力征遼東以騎八百遇賊合戰被槊中腰為賊所窘尚輦奉御薛萬備單馬入殺賊騎救何力于羣賊之中與之俱出何力氣盡束瘡而戰

賊乃退又按何力碑作河力又作阿力何力弟沙門在涼州
爲賀蘭都督何力生明字若水貞觀中爲賀蘭都督司膳少
卿再遷雞田道大總管武后時明妻及母臨洮縣主賜姓武
氏明性淹厚喜學長子從左豹韜衛大將軍兼賀蘭州都督
次子嵩右武威衛郎將三子崇右玉鈐衛郎將見明碑曾孫
演貞元中官檢校郎中河中元帥判官見唐書

唐書王君奭奏四部難制潛有叛計乃流賀蘭都督契苾承
明于藤州又特進契苾嵩以昇回紇等結婚敗嵩爲連州別
駕即明之次子

唐書哥舒翰守潼關時蕃將契苾宣以本軍隸麾下

按李德裕集有游擊將軍契苾木昆又王勃文有與契苾將
軍書

按唐有契苾神著契苾璋官右威衛上將軍見薛廷珪文蔚
州刺史契苾通唐書璋爲振武節度使鄭從謹求救璋引突
厥吐谷渾救之破沙陀兩寨在僖宗時武宗以蔚州刺史契
苾通將河東蕃兵詣振武受李思忠指揮按通何力之五世
孫李商隱有贈前蔚州契苾使君詩即通也

廣異記乾元中韓徹爲吳山令于大槐樹穴掘得一棺有少

齒髮及脛骨胙骨徹令佐史以新棺埋之佐史偷錢以小書
函折骨埋焉歸即倉卒欲死使巫視之靈語曰已是晉將軍
契苾鐸身以戰死受葬于此縣立冢近馬坊恒苦糞穢欲求
遷改前後累有所白多遇令死遂令冥苦無可上達今明府
恩及幽壤俸錢市襴甚惠厚胥吏酷惡乃以書函見貯骨長
函短斷我脛胙不勝楚痛故復仇之徹辭謝自陳為主不明
令吏人等有此欺偽當令市襴以衣被相送而可小赦其罪
誠幸也靈語曰尋當釋之初女巫見鐸衣冠甚偉鬢髮洞赤
狀如今之庫莫奚云

唐書振武將契苾讓逐戎將石善友據城叛李嗣昭進攻之
讓自燔死

敝
見左傳

左定公九年傳齊侯伐晉夷儀敝無存先登求自門出死于
雷下齊侯謂夷儀人曰得敝無存者以五家免乃得其屍公
三禭之與之犀軒直蓋而先歸之坐引者以師哭之親推之
三

銳
見左傳路史

姓苑升平中鮮卑有御史中丞銳管

五代史唐有水軍使銳敏

四川志洪丞舉人銳廷緘南充人

裔 見姓苑

左魯昭公二十年傳齊侯疥遂店梁丘據與裔欵言于公曰
吾事鬼神豐于先君有加矣今君疾病爲諸侯憂是祝史之
罪諸侯不知其謂我不敬君盍誅于祝固史噐以辭賓按晏
子春秋云楚巫導裔欵以見景公侍坐三日景公悅之晏子
諫拘裔欵于國

金壇縣志裔從政元時進義校尉至平三年任金壇縣主簿

氏姓謚宣化人裔璜成化舉人知盧溪縣

李文襄公之芳奏疏有金協千總裔承明

隸 見姓苑

世本黃帝臣隸首作算數按或云即黔如也

集古印謚漢有隸延之

采 諸書無此姓今補

按阮中丞元藏漢印有采禁云采字見說文即穗字

閉 見宋登科記

宋登^科記閉復亨文天祥榜進士賓州人

氏姓謚閑魯橫州舉人景泰四年任桂林府推官招撫猺獞
升永安知州以守制歸民甚慕之補石屏州正德間子克歲
薦過永安民爭迓餽護送至桂林閑敬臨武人永樂舉人閑
梯南寧府橫州人正統戊辰進士梯之先有名正一作者字
德用主簿惠安九歲有成績邑人赴部留之升本縣知縣正
在任久知吏民情弊不用鞭朴法令自行百廢畢舉九年致
政為樹德政碑梯知桂陽最得民心左遷蕭丞律已厚下蕭
民便之奏請為令

閑珊氏見唐書

唐書雷益州烏蠻閑珊居集精卜筮之學法用細竹四十九
枚或以雞骨代之占算甚驗夸中稱為卜師

替 見姓苑

細 見池北偶談此姓諸書無今補

戴埴鼠璞唐有博士細君按漢有博士右師細君姓右師名
細君也唐博士細君未知所出或記憶之訛

按日本國刻魏徵羣書治要前有督學臣細井德民序題曰
天明五年乙巳春二月

細封氏見唐書

唐書貞觀三年黨項首長細封步賴舉部內附太宗降璽書慰之步賴來朝宴賜甚厚列其地為軌州以步賴為州刺史步賴請率兵討吐谷渾

細農氏見唐書此姓諸書無今補

方輿紀要漢高帝立白崖人仁果為滇王諸葛亮南征師次白崖立為酋長賜姓張氏歷十七傳當貞觀世張樂進求以蒙舍酋細農羅強遜位焉

細奴氏

唐書南詔王姓細奴氏

稅

見盛弘之荊州記路史

宋登科記太平興國五年庚辰科進士稅挺鹽亭人稅定國

元祐三年戊辰科進士稅元容紹興中進士稅庾慶元五年

己未科進士均鹽亭人

巴縣志稅與權字葵甫巴縣人究心理窟世稱儒宗魏了翁門人著有校正周易古經十二卷易學啟蒙小傳一卷其周易古經後序云與權鄉侍先師鶴山魏文靖公討論此經將以邵子觀物所言為斷著文王周公正者八卦變者二十八卦之繇辭于冊題曰周易古經上下篇冠於十翼以還孔子

韋編之舊使百世之下學者復見全經而附數公序辨於末
天不慙遺先師夢奠倏踰一紀慨師友之彫謝懼異學之支
離不量固陋推本邵子所述刊定周易古經上下篇如前以
卒先師之志而義文經卦重卦大義則於易學啟蒙小傳詳
之

巴縣志稅安禮博通經史熟掌故遍遊名山大川作禹貢指
掌圖正譌糾謬考據詳明有功書傳學者宗之按與權安禮
係二人與權字巽甫凌氏作一人誤矣

氏姓謚稅廷暉南溪人洪武丙子科舉人稅璿長壽人永樂
中官平涼府同知稅冕撫州人景泰舉人任沁水縣訓導稅
新南溪人成化甲辰進士官知府稅文鏞乾州人弘治舉人
官知州稅文臣乾州人嘉靖乙酉科舉人官知縣稅琛歸州
人官知縣稅謙沔陵人正德貢生稅積蒲城人弘治壬子舉
人

四川志國朝順治八年辛卯科舉人稅長春嘉定州人稅惟
學叙州府富順縣人字貫一乾隆庚子貢生負性格雅厚重
簡默動合規矩好讀無所不通教授生徒著有覆瓿存稿
澍宰屏山縣民有稅星貴

祝

氏姓謚祝積忠康人洪武中官工部主事

例

見姓苑

系

左傳楚有系益

太平廣記唐系謹揚子人仕補闕善卜一人夢松生戶前一人夢棗生木上謹言松上壠所植棗字重來呼魄之象二人果卒

係

史記冒頓單于使郎中係寧淺奉書獻物
統謚係授萬麻間湖廣勛郎縣人

薨

見風俗通

漢書王莽傳王會宗姊妨為衛將軍王興夫人祝詛姑殺婢以滅口事發覺莽使中常侍薨暉責問妨並以責興皆自殺又董忠王涉劉歆謀反莽令薨暉責問皆服忠為黃門格殺歆涉皆自殺又云漢兵入宣平城門王邑王林薨暉等分將兵拒擊北闕下兵入漸臺暉等戰死

薨

此姓諸書無今補

按漢敬阮碑陰有營遼升高營缺仲公營即營字也省文从

口

棟

漢司隸校尉魯峻碑陰有門生濟陰定陶棟真子然

姓苑新莽司馬棟並按今漢書作逵並漢表作逵音普

字

菟

見釋例

左傳先穀曰菟子士魴曰菟季魴子曰菟恭

蒂

見姓苑

辯證新莽中常侍蒂憚亦作蹄憚按漢書作薨憚此誤

弟

見池北偶談此姓諸書無今補

韓詩外傳庶子曰弟父之為醫也以莞為席以芻為狗北面

而祝之發一言耳諸扶輿而來者皆平復如故按一作苗父

續漢書天文志吳郡太守行丞事羊珍與越兵弟菜吏民吳

銅等二百餘人起兵反

養新錄明末西洋人弟谷測春分時刻定歲實三百六廿五

日二十三刻三分四十五秒

荔

見姓証

魏書鮮卑檀石槐之西部大人荔游

澍在陝西有咸寧縣生員荔應元在關中書院肄業

荔
荔菲氏見廣韻

周聖母寺四面像碑有威烈將軍荔非道慶邑子荔非仕民荔非社叔按即荔菲氏也

北史隨大業十三年安定人荔菲世雄殺臨涇令舉兵作亂自號將軍

唐書彭州刺史荔菲謀宣州人生荔菲元禮為李光弼裨將攻趙摯有功遷驃騎大將軍懷州刺史知鎮西北庭行營節

度使上元二年光弼軍敗元禮徙冀城為麾下所害按元禮與李嗣業討北庭兵馬使趙惟良之亂舊書元禮由衛尉卿為懷州刺史

李元諱楸功昭德頌有云耆壽荔菲昇古

唐書祿山下陳畱滎陽次覽子谷將軍荔非守瑜邀之殺數百人流矢及祿山輿乃不敢前更出谷南守瑜矢盡死于河按一作元瑜

涇州回中宮陶穀西王母宮碑末云荔菲禮刻石澍親見之按本朝康熙時平涼出一錢本草碑張說作文樊大厚書字

荔菲彬刻石

芮 見氏族畧

詩小序柔柔芮伯刺厲王也鄭箋曰芮伯畿內諸侯王卿也
字良夫孔疏曰書序云巢伯來朝芮伯作旅巢命武王時也
顧命周同召六卿芮伯在焉成王時也桓九年王使虢仲芮
伯伐曲沃桓王時也此又厲王之時也在王朝爲卿士矣左
傳引周芮良夫之詩周書有芮良夫之篇知字良夫也按周
書芮伯曰小臣良夫自稱當以名鄭氏以爲字者非
左襄二十六年傳宋芮司徒生女子赤而毛棄諸堤下共姬

之妾取以入納諸御嬖生佐

又左傳齊景公寵妾曰芮姬生子荼景公愛荼母欲立之

戰國策芮宋欲絕秦趙之交故令魏氏收秦太后之養地秦

王怒

姓纂漢有鉅鹿太守芮強吳郡太守芮珍丹陽人按一作鉅

鹿太守芮珍

吳書芮祉字宣嗣丹陽人孫聖時九江太守後轉吳郡子良

字文鸞爲會稽東部都尉弟孚爲奮武中郎將孚女爲太子

登妃

魏書正始中世祖于東堂引見高麗使芮悉弗悉布進曰高麗誠天極累葉純誠地產土毛無愆王貢

按唐有芮挺章編國秀集

氏族畧宋有芮曄字季國烏程人與弟暉同登紹興科第號二芮暉以臆牡丹詩忤秦檜被謫後曄仕國子司業暉官兵部尚書芮及言字子及雲川人嘉泰三年知上高縣政事精勤容貌嚴厲一縣畏之

元史芮世通蕪湖人十世同居詔旌其門

氏姓謚芮麟洪武間建寧知府寬厚能文歲饑勸富民出粟賑貸全活甚眾芮思宜興縣人弘治己未進士芮紳任崑山知縣正直有局幹政不察察未嘗失民情劾暴繩頑扶顛舒困囹圄為空去任民流涕不舍

蒯 見路史

神仙傳蒯子訓齊人少常任州郡舉孝廉除郎中又從軍拜駙馬都尉人莫知其有道性好清澹閒居讀易小小作文皆有義意與一老翁摩挲銅人云適見鑄此百年矣按一作計子勳亦見漢書方技傳漢武外傳蒯遼字子訓李少君之邑

人

魏書蕭衍遣其輔國將軍濟陰太守薊沛精卒二千戍竹塢
刁悅令西關統軍諸靈秀掩擊破之焚城樓儲積禽沛
贅 此姓諸書無今補

國策濮上之事贅子死章子走

羿 見路史

氏姓謚羿忠湘陰人洪益中遂寧縣知縣

按嘉慶時有羿靜安湖北人捐府經歷見官生錄

逮 見漢書注此姓諸書無今補

蹶 見鄭詩箋

十月之交詩蹶為趣馬鄭箋后黨姓也按奕奕梁山詩韓侯
取妻汾王之甥蹶父之子又云蹶父孔叢傳蹶父周卿士也
竹書宣王四年王命蹶父如韓韓侯來朝

韓非子荆王伐吳吳使沮衛蹶融犒于荆師荆將軍曰縛之
殺以繫鼓問曰汝來卜吉乎曰吉荆人因不殺按與左傳蹶
由事同蓋即蹶由也一本作蹶融

諦 此姓諸書無今補

唐書點曼斯遣將軍諦德伊斯難珠等入貢

蹠 姓謚亦作蹠音帶亦音多按此非姓宜刪

毛 見姓苑

藟 音計見直音姓也按姓有藟無藟宜刪

醫 見姓苑

的

希姓錄明四夷館通事官的酒

姓韻卷七十一

成威張 澍墓

九泰

泰 見姓苑路史

淮南子覽冥訓鉗旦泰丙之為御也除轡銜棄鞭策按穆天

子傳商齒為左郭璞注音泰丙列子穆王篇商齒為左張湛

注音泰丙

書君奭文王臣泰顛書孔傳泰氏顛名按墨子文王舉閔天

泰顛于豈罔之中授之政而西土服而吳斗南以泰顛為即

太公妄甚

姓苑漢成帝時將軍秦史林按亦見集古印謚

新唐書忠義傳秦行師太宗時封廬陵公按劉文靜傳封清
水郡公

氏姓謚明秦行實福寧人正統中任安遠縣知縣秦穀均州
人正德中任湘潭知縣秦郎中部人嘉靖中任蒼溪縣主簿
秦天麟任興化知府

秦豆氏此姓諸書無今補

列子造父之師秦豆按列仙傳秦豆氏黃帝時邑夷後裔精

御執隱大行之顯造父始從之習御三年不告造父執禮愈
恭秦豆告之曰汝先視吾趨趨如我然後六轡可持六馬可
御呂氏春秋造父始習于大豆蠡門始習于甘蠅梁仲子曰
列子湯問篇造父之師曰秦豆氏此大豆當讀秦

秦伯氏見路史

太見姓纂

素問神農問于太乙小子王冰注鬼臾區十世祖按本草經
作秦一太子仙傳太乙小子名章道書言太一諱騰又言諱
務猷殆不足信

古今人表黃帝師太填按路史即太真也

氏姓謚太相温石敬瑭將太溥臨桂人洪武中任文昌縣知縣按弇山堂別集作大溥

按本朝嘉慶時雲南廣南營左哨千總太廷勳雲南人太山氏此姓諸書無今補

按列子太山稽注黃帝相河圖云太山稽黃帝司徒一云太山稽號天老非也

太叔氏見世族謚

按太叔儀太叔文子也僖侯八世孫襄十四年傳衛人使太

叔儀對二十七年傳乃使文子為卿哀十一年傳晉悼公子

慙止在衛使其女僕而田太叔慙子止而飲之酒遂聘之生

悼子杜注慙子太叔儀之孫即太叔申也昭三十二年會城

成周杜注世叔申世叔儀孫陳曙峯謚或云即太叔慙子哀

十一年傳世叔齊出奔宋傳作太叔疾即悼子也哀十一年

傳衛人立遺使室孔姑杜注遺疾之弟即太叔僖子又按鄭

之太叔氏京城太叔段也其後公孫滑公父定叔見世族謚

英賢傳漢有尚書太叔雄

困學紀聞鄭氏詩謚徐整暢太叔裘隱隨志毛詩謚三卷吳

太常徐整撰毛詩詁二卷太叔求及劉炫注玉海云國史志
詩詁世傳太叔求注不在秘府經典釋文序錄所稱徐整暢
太叔裘隱蓋謂整既暢演而裘隱括之求字為也按說文裘
古省作求王氏以為譌者非

世說新語太叔廣甚辯給而摯仲治長于翰墨俱為列卿每
至公坐廣談仲治不能對退著筆難廣又不能答按王隱晉
書太叔廣字季思東平人拜成都王為太弟欲使詣洛廣子孫
多在洛慮害乃自殺又異苑太叔廣頭上不得有蟲蟲大者
便遭菴喪大功小則小功總服又按世帝命太常議崇錫齊
王之物博士庾粲太叔廣劉暉繆蔚郭頤秦秀傅珍共上表
論齊王不當皆免官是廣曾官博士也

南史崔慧景既敗單馬至蟹浦投漁人太叔榮之榮之故為
慧景門人時為蟹浦戍王謂之曰吾以樂賜汝汝為吾覓酒
既而為榮之所斬以頭納鱸籃中擔送都

太師氏見廣韻

世本殷時掌樂有太師摯少師陽按史記作太師疵少師疆
太師氏見姓纂

左哀十三年傅成子如公宮遷公于寢公執戈將擊之太史

子餘曰非不利也將除害也服虔云齊大夫

國策夏育太史啟身死于庸夫按史記夏育太史噉叱呼駭
三軍然身死于庸夫索隱云恐非齊襄王時太史敷也

國策齊有太史敷女與閔王子法章私後立為后太史敷曰
女無媒而嫁者非吾子也汙吾家矣終不覩按太史敷莒人
顏師古王子侯表注敷古穆字

吳志太師慈東萊人字子義好學善射孫策時為建昌都尉
孫統事任慈以南方子亨字元復歷官尚書越騎校尉

梁書沈峻傳梁太史叔明烏程人峻之舅也師事沈麟士少

善莊老兼治孝經論語禮記尤精三元為國子助教解當世
冠絕每講說聽者常數百人歷官國子助教江州人士皆傳
其學按唐藝文志叔明著有孝經發題四卷太史叔明揚州
文學從事又著孝經義一卷見隨經籍志

氏族畧宋太史洵述太史卽皆紹興進士

太征氏見姓苑

太陽氏見姓誼

神仙傳有太陽子白日昇天

太士氏見姓纂

姓纂漢建安太守太士靈秀

太室氏見辯證

太祝氏見姓謚

太公氏見世本

世本有太公叔類按廣韻引作叔類然太公叔類周之祖非姓太公也

莊子孔子圍于陳蔡之間七日不火食太公任往弔之曰子幾死乎曰然子惡死乎曰然任曰予嘗言不死之道東海有鳥焉其名曰意怠其為鳥也紛紛跌跌而似無能引援而飛迫脅而棲進不敢為前退不敢為後食不敢先嘗必取其緒是故其行列不斥而外人卒不得害

莊子少知問于太公調曰何謂丘里之言太公調曰丘里者合十姓百名而以為風俗也合異以為同散同以為異今指之百體而不得馬而馬係于前者立其百體謂之馬也是故丘山積卑而為高江河合水而為大人合并而為公是以自外入者有主而不執由中出者有正而不趾四時殊氣天不賜歲成五官殊職君不私故國治文達大人不賜故德備萬物殊理道不私故無名無名故無為無為而無不為時

有終始世又變化禍福淳淳至有所拂者而有所宜日殉殊
面有所正者有所差比于太澤百材皆度觀乎大山木石同
壇此之謂丘里之言

楚策昭陽謂楚王約韓乃命太公事之韓見公仲

太伯氏見辯證

太季氏見氏族畧按路史作大季為是此姓宜刪

太宰氏見路史

太傅氏見氏族畧

大見風俗通

風俗通大填為黃帝師大款為顓帝師禮記大連東夸之子
按大填亦作大墳墳與憤通大連非姓也

莊子古有大隗按即大恢黃帝所訪者黃帝內傳司馬大封
昆吾後樂師大款世本大橈作甲子內傳又云大接與封胡
張若謂朋容莢龍行共討蚩尤接字疑誤宜是橈

晏子春秋大戲墨子明鬼篇桀有勇力之人推哆大戲主別

御覽引兕虎指畫殺人又云湯子同禽推移大戲按呂氏春
作生捕

秋簡選篇湯以戊子戰于郟遂禽推移大犧高誘注桀多力
能推大犧因為號而禽克之不知是臣名謬也

莊子仲尼問于太史大弢伯常騫稀韋曰夫衛靈公飲酒湛樂不聽國家之政田獵畢弋不應諸侯之際其所以為靈公者何耶大弢曰是固是也伯常騫曰夫靈公有妻三人同濫而浴史鮪奉御而進所搏幣而扶翼其漫若彼之甚也見賢人若此其肅也是其所以為靈公也稀韋曰夫靈公也死卜葬于故墓不吉卜葬于沙丘而吉掘之數仞得石槨焉洗而視之有銘焉曰不馮其子靈公奪而埋之夫靈公之為靈也久矣之二人何足以識之

西京雜記麻官大伍公知東方朔為歲星

姓源漢有大利善琴按集古印謚有大利

姓源韻謚南北朝有大連為揚州刺史

唐書勃海傳勃海國王姓大氏其王乞乞仲象生祚榮驍勇善戰自稱震國王後降以為左驍衛大將軍祚榮生苾莩門苾苾苾遣門苾將兵擊黑水門苾諫不從欲殺之門苾來奔苾苾生欽茂欽茂生宏臨宏臨早死族弟元義立元義猜虐國人殺之立宏臨之子弩嶼是為成王改元中興弩嶼卒復立欽茂少子嵩鄰是為康王改元正厯唐冊為汗州都督勃海王欽茂少子嵩鄰生元瑜言義言義弟明忠明忠從父仁

秀仁秀孫彝震震弟虔晃元錫皆稱繼立按史云欽茂生嵩
鄰嵩鄰生元瑜元瑜弟言義言義弟明忠而鄧名世以為等
與少子嵩鄰非也又以言義為言簡

按元禎文有青州道勃海慎能至王姪大公則等投為金吾
將軍放還蕃制又勃海大定順王姪大多英等投諸衛將軍
放還蕃制

東國通鑑中郎將大道秀率取部降于契丹

五代會要勃海王大諲譔梁開平元年遣王子大昭順來朝
二年遣相大誠諤來朝乾化二年遣王子大光贊來朝同光

二年遣王子大禹謨來朝王子大元讓又遣姪子親衛大元
試國子監宋史蘇州防禦使大鵬義翼昇宋戰于飛狐不利

陷焉天成元年又遣使大陳林貢男口女口其年遣使大昭
佐朝貢

東國通鑑契丹滅勃海于是勃海世子大光顯兀部卿大和
鈞均老司政大元鈞工部卿大福謨左右衛將軍大審理等
率餘眾奔高麗

遼史東京舍利軍詳穩大延鉢僭位號其國為興遼年為大
慶

氏姓謚宋有大周仁

氏姓謚元有沼州防禦使大懷真

氏姓謚明有大有永州人洪武四年遠安知縣撫民有方大
崇隴西人宣德舉人任石樓縣知縣大心遼東馬州衛人正
統中任山西懷仁縣丞

大贅氏見王莽傳此姓諸書無今補

大隗氏見姓源韻謚

大庭氏見風俗通英賢傳

大陸氏見氏族畧

左哀十三年傳齊簡公時田成子與闞止相攻成子將殺大
陸子方陳逆請而免之東郭賈奔衛按即東郭賈即子方也
子方為闞子我臣

大季氏見釋例

世族謚大季氏士子孔公子志穆公子又大季子良

大狐氏見世本

世本晉大夫大狐容

大孫氏此姓諸書無今補

左傳僖三十三年晉陽處父侵蔡楚子上救之陽子謂子上

濟而陳子上欲涉大孫伯曰不可晉人無信半涉而薄我悔
敗何及不如紓之乃退舍按左文十年杜注大孫伯即成大
心

大心氏見英賢傳

英賢傳楚襄王時有大心子成為黃邑大夫按襄王一作懷
王

大羅氏見姓纂

史記秦將軍大羅宏按姓纂引云秦有大羅洪

大臨氏見姓纂

大戊氏見世本

世本大戊教昭為原大夫宋有大夫大戊昭趙有大戊午按
史記趙世家云成侯時大戊午為相又云肅侯游大陵出于
鹿門大戊午叩馬而諫曰耕事方急一日不作百日不食肅
侯下車謝之徐廣注戊一作成

大野氏見姓纂

北魏孝文帝比干墓文碑陰有龍驤將軍臣河南郡大野慤
按慤或即懿字又或為慤

魏書南青州刺史大野拔率眾就樊子鵠後斬子鵠降于東

魏婁昭

魏書豆盧狼害都督大野樹兒按當是大野兒也亦見周書
大夫氏見漢書淮南厲王傳注

漢書淮南厲王傳有大夫但張晏云姓大夫名但

大食氏見姓纂

唐西域傳永徽二年大食王緻密莫末臚遣使朝貢自言王
姓大食氏有國三十四年傳二世

姚燧平章政事忙兀台公神道碑有宣政院使大食蠻

大成氏見鮑彪注

呂氏春秋禹師大成贄按新序作大成執

國策趙有大成午人表作大戌午按韓子內儲作大成牛誤
詳見大戌氏下

大戎氏見世本左傳杜注

大彭氏見韋昭國語注姓纂

大賀氏見唐書

大連氏見辯證路史

大拔氏見辯證按宜作火拔氏此宜刪

大利稽氏見周書蔡祐傳

大莫于氏見姓謚

姓謚周末尉遲迴有將軍大莫于子章按廣韻引作尉回將軍大莫于章字有訛脫

大洛稽氏見官氏志

會見風俗通姓纂

晏子春秋景公疥且瘡期年不已召會譴梁丘據晏子而問焉曰寡人使史固躒與祝佗巡山川宗廟犧牲圭璧莫不備具其病滋甚我欲殺二子者以說于上帝其可乎會譴梁丘據曰可晏子不對

風俗通武陽令會相按廣韻作會相姓氏急就章作會相氏族畧作會柄疑作相者是

氏姓謚會同高昌人正德中任雲都縣丞

會房氏見姓苑姓纂

會稽氏見姓纂

會見路史

鄒見說文

氏族畧宋朝有鄒士隆登進士第見登科記又有鄒唐越州人

帶 見姓苑

按六國時有帶佗為秦將見過秦論易林作帶季當是字
漢穀阮碑陰有帶宮字阿宮

魏志高麗王宮臣帶咨帶固

蔡 見姓纂

左昭二十九年傳晉龍見絳郊魏獻子問于蔡墨齊大夫蔡
朝卷楚之禽晉執朝于原見宣十五年邲之戰楚子使蔡鳩
居苦唐惠侯昭十三年傳蔡洧有寵于楚靈王王之滅蔡也
其父死焉王使子守而行

國策燕人蔡澤說范雎而奪之相封剛成君

按漢功臣表肥如侯蔡演以車騎將軍破龍且侯演子成又
有蔡容容子平演元孫丞相義義元孫勳為長安邸長累召
不至按勳曾孫攜攜生稜質稜生邕質始居陳留作漢官儀
儒林傳蔡千秋字少君沛人從榮廣授穀梁春秋又事王孫
皓星公官諫大夫給事中

魏書漢明帝夢金人頂有白光飛行殿庭傅毅以佛對帝遣
郎中蔡愔等使天竺寫浮屠遺範仍與沙門攝摩騰竺法蘭
東旋洛陽

荊州記棗陽縣百許步蔡倫宅其中旁有池名蔡子池倫漢
順帝時人始以魚網造紙縣人今猶多作紙者蓋倫之遺業
也按倫字仲敬

漢藝文志農家蔡癸一篇宣帝時以言便宜至弘農太守劉
向別錄癸邯鄲人按食貨志蔡癸以好農使勸郡國至大官
金石錄藁長蔡君頌云君諱湛字子德河內脩莖人也舉孝
廉辭讓應司徒府除廣川長復辟太尉遷藁長遷高邑令又
云光和四年詔書遷并州刺史

逸民傳蔡茂字子禮懷人哀平間以儒術顯官中不仕王莽
光武時為大司徒

顧野王吳地記後漢蔡經有道術煉大丹服苜蒲得仙宅在
吳縣西北五十里

列仙傳峭岬山有蔡侯之子瓊字伯瑤曾師事老子
漢書蔡順字君仲汝南人事母至孝扶老蓆生于井上累舉
孝廉不就按潁川太守韓崇朝順為東閣祭酒

蔡仲氏見姓纂

姓纂趙將有蔡仲其

蔡丘氏按此姓誤宜作蔡丘可刪

艾 見路史

按晏子春秋景北游于北山北臨其城而流涕艾孔梁丘據皆從而泣注大夫姓艾名孔列子作史孔

新序晉文公反國酌士大夫酒召咎犯而將之召艾陵而相之授田百萬

岳州志周末有艾君居岳州雲岳山石壁有篆文

風俗通龐儉母艾氏漢有東平太守艾銓後漢汝南孝廉艾伯堅按艾伯堅與黃叔度周子居封盛興邛伯向等同為太守李張所舉又按艾氏女字阿橫大兒字阿嶷小兒曰越子

吳志漢有艾布後降吳一作文布

前燕錄燕慕容暉殿中將軍艾朗見孟高死亦戰死南燕牙

門將艾涇按一作艾江

姓纂唐侍御史艾敬直北平人

五代史後周世宗以元稹均田圖賜諸道詔左散騎常侍艾穎等分行諸州均定田租按元稹所上者表也因製素為圖見會要宋類苑乾德中艾穎少年赴鄉舉時遇卹儒授左傳第十曰此卷書宜熟讀取富貴後果然官工部侍郎

氏族畧艾晟崇寧進士試宏詞一案等艾仲儒為官清正百

姓又安運使劉文質奏其治績降璽書褒諭艾叔可字無可
撫州人咸淳戊辰奏策入三等以詩文名所著有文江集弟
憲可字元德著蕙愁集姪性字天謂合門教授著孤山集世
稱三艾先生

甘肅志艾瑛隴州人永樂中以人材舉授游浙江右布政使
才能著稱

陝西志艾希淳米脂人嘉靖壬辰進士官兵部侍郎艾杞米
脂人嘉靖壬戌進士歷官僉事

艾歲氏見潛夫論路史

賴 見風俗通

漢書孟康注丁公及彭城賴齧追高祖

風俗通漢有交阯太守賴先按先一作光

吳志交州刺史賴恭子宏為蜀零陵太守按蜀志恭零陵人
先帝用為太常子宏為丞相西曹令史隨諸葛亮于漢中蚤
天亮甚惜之未言為零陵太守又按恭在劉表時為零陵太
守表遣恭代張津為交阯刺史恭與吳巨相失巨舉兵逐恭
恭走還零陵而蜀志言其子宏早夭與吳志言宏為零陵太
守又差違

氏族畧唐光祿少卿賴文雅宋初有画工賴祚又賴克紹登
進士第

葛 見廣韻

廣韻晉南海太守葛興真氏族畧齊南海太守葛煥氏姓謚
漢平陽太守葛真按氏族畧姓謚皆誤廣韻是又廣韻本真
作興

北史平文帝長子烈帝居于舅賀蘭部桓帝遣使求之部帥
葛頭擁護不遣

靄

明史順元宣使靄翠阿画之後明初歸附授懷遠將軍
氏姓謚靄郁泌陽人永樂舉人任邯鄲知縣居官勤慎操行
剛方勸農桑興學校士民懷之按弇山堂別集作靄都

奈 見姓苑

明史奈亨直隸香河縣人宣德進士戶部侍郎正統中附王
振構郎中趙敏詞連王直按林聰傳聰劾光祿寺卿奈亨附
王振得卿寺亨坐罷去

氏姓謚奈永積鳳陽人成化舉人任陽谷縣教諭奈永昂香
河人字民望成化中知慈安縣律已廉處事明積穀至萬石

開通利渠

沛 見潛夫論姓苑路史

史記表高帝六年封沛嘉為平侯子靖侯奴嗣奴子執生罪除按沛嘉漢書表作工師喜是有二姓也

最 此姓諸書無今補

漢郊祀志宋毋忌正伯僑充尚羨門高最後皆燕人為方僑道師古曰自宋毋忌至最後皆其人姓名也凡五人按王懷祖給諫讀書雜誌以為即宋玉高唐賦之聚穀

貝 見廣韻

姓苑古有賢者貝獨坐按此說非見辯誤

漢書宦者貝瑗按今作貝者誤袁宏紀作貝瑗即貝獨坐也

司馬彪戰畧劉表初為荊州時貝羽為萐容長阻兵作亂

魏書劉彧遣其散騎常侍貝思等朝貢按一作貝思見張暢傳

江寧府志梁侍中司徒始興忠武王碑徐勉文貝義淵書散騎常侍司空安成康王碑劉孝綽文貝義淵書

唐有貝韜光見荀鳴鶴詩

宣和書譜貝洽諫史亡世系以八分書名于江左一時推許

蓋在唐室明皇以此道為諸儒倡當時臣子無不以此相高若冷諉者固在步趨之末而評其書者謂雖效明皇而筆力疎弱惟知點画而已觀其書蓬萊觀碑可以目擊而意曉矣稽神錄義興人貝禧為邑鄉胥乾寧甲寅歲十月宿于菱瀆別業夜分忽聞扣門者人馬之聲甚眾出視之見一人綠衣秉簡而立從者百餘禧攝衣出迎自通曰名隆姓周弟十八即延入坐曰身為地府南曹判官奉王命召君為北曹判官禧甚驚懼隆曰此陰府要職君母辭遂與至陰府朱衣吏引至曹局內數書厨皆雜寶飾之周以金鑰授禧曰此厨簿書

最為秘要周去禧開視之得常州簿閱其家籍見家人世代名字甚悉以壽未盡乃還生又四十餘年乃卒

登科記宋貝欽世知江陰縣濬運河貝寶登科常州人貝良金從政即淳祐八年任溧陽縣

朱彝尊集貝瓊一名闕字仲瑀一字廷瑀一字廷臣崇德人年四十八始領鄉薦張士誠據吳累徵不就洪武三年召脩元史六年除國子監助教先是宋濂為司業主建安熊氏之說謂伏羲為道統之宗神農黃帝禹湯文武咸宜秩祀于天子之學議雖不行士大夫多有疑其說者瓊乃作釋奠解著

有清江文字集三十卷詩一卷

氏姓謚貝翺著舒菴集十卷貝泰官祭酒貝秉彝名恒以字行上虞人永樂甲申進士官東阿知縣善決獄能以禮義導民歲大祲上平糴備荒議帝從之班下郡縣如東阿武清江縣志貝昫上虞人景泰間以舉人任清江教諭與訓導邢寬等立科甲題名碑泰和尚書王直為之記

蓋 見路史居太切又見緝韻

史記膠西蓋公善治黃老言參使人厚幣請之蓋公為言治道貴清靜而民自定參于是避正堂舍公焉

兑 見姓苑路史

殺 見李賢漢書注丁外反又丁活反

後漢來歷傳有光祿勳殺諷陳忠傳尚書令祝諷注云祝或作殺鄧騭傳騭進天下賢士何熙殺諷羊祜李邵陶敦等列于朝廷按殺諷廣漢人為廣漢太守見華陽國志又按殺諷常議大臣二千石以上斷服三年喪云孝文定約禮之制光武絕告寧之典貽則當世誠不可改宜復斷大臣行三年喪陳忠上疏駁之忠奏竟寢

河間府志殺羽瀛州人祥符中第唱名時真宗以其姓問羣

臣無對者陳彭年進曰是讀為戴殺翔古兵器名漢有殺翔
縣在安定人稱其博識按彭年之對與說文言高縣羊皮以
驚牛馬者異當是臆說

禕 見姓苑音背

瑩 按集韻瑩博蓋切音貝姓也字彙補作贇蒲昧切音佩與背
同又姓也疑訛

丐 見路史

